

ادبیات عمومی و تاریخی

هفته‌لق سیاسی ، ادبی ، علمی غزته در

جلد : ۳

سنه : ۲۹ ۲ رجب ۱۳۳۶ جمعه ایرتنی ۱۱ مایس ۱۹۱۸ نوسرو ۴۶ — ۶۷

اجمال افکار

تورکچیلک و ملتچیلر

— سز ترکیسکیز ونه وقتدن بری ؟ — تپه‌دن طیرناغه قدر ترکم و قالوا بلیدن بری . وطنم ، ملتیم ، لسانیم ، وجدانیم مستعار دکلدیر . ترک وطنندن بشقه وطن ، ترک ملتندن بشقه ملت ، ترکجه‌دن بشقه دیل ، ترکلرک وجدان عمومیسندن بشقه وجدان ، حتی اذعان وایقان ، ترک دینی اولان مسلمانلقدن بشقه مذهب و ایمان بیلیم . مسائل ملیه‌ده — مع التأسف — بر آزده طرفدار افراطیم . نظریه اولق اعتباریه جهان بریه لکنی قبول ایده بیلر سه‌م‌ده سائر برایای جهان بو حقیقتی هنوز تصدیق ایتمدکلرندن ، زما نمزده ملیت اقنومنی اقامیم سائرده ترجیح ایتمک اضطرارنده‌یم .

— سز خلقلک خیر خواهی میسکیز ؟ — اوت ! لکن خیرخواه کله‌سنی بر آز بالا پروازاته بولورم . جمهورک ، حتی ، خدمتکاری‌یم . غایم عامه‌نک تعالیسیدر . ایستهرم که عوام ، سویه خواصه یا قلاشین . بولوندیغی وضعیتدن چیقسون . خلق ، آریستوقرات اولسون . لهستانده نجیایی ، برتاریخده ، ده موقراتلاشمغه قویولا جقلرینه ، خلقی تحجیب ایتمشیر . نه کوزل حرکت ! آرزو ایدرم که بلا استثنا هر ترک نجیب واصل اولسون . عواممز تعالی ایتمسون .

سنده اُی مبدع ، ایستہ یورسہک کہ ،
آینہک اوستندہ کوزلرک دالین ..
بکله کہ ، تا ، او سحر ابداعک
یاسین الماس ، سرتسر تخی ..

خیمہ خیمہ

» پان « [۴]

اورادہ ، بہارک کلدیکی یرلردہ
کل باغچہ لریلہ صحرالر کنیشلر ؛
رؤیالی کوللرہ یریلر سحرده
شن کولکلریلہ بیک افسانہ ایشلر ..

یوصونلی قایادن فیشقیران منبعار
صولارلر » ہەرکول « کزدیکی جنی ؛
یکی برجنبشہ حاضر لانان باغلر
اولدورر کونشدہ مور ئوزوملرینی ..

کولکلر اوزارکن صحرالرہ دوغرو
ہجرانلر آعلارکن سودالی روز کارده ؛
اورادہ ہر آقشام منزوی بر آہو
باقار لال عکسنہ قارا کلق صولردہ ..

مسی فکی

[۵] یونان اساطیرندہ اورمانلر الہی ..

(آتی) مطبعہ سی

مدیر : [کریدی احمد ساقی]